

四庫全書

集部

欽定四庫全書

御定全唐詩卷五百六十五

韓琮

韓琮字成

一作代

封初為陳許節度判官後歷中書舍人

湖南觀察使詩一卷

春愁

金烏長飛玉兔走青鬢長青古無有秦娥十六語如弦
未解貪花惜楊柳吳魚嶺鴈無消息水誓

一作盼

蘭情別

來久勸君年少莫遊春
煖風遲日濃於酒

牡丹

一作詠牡丹未開者

殘花何處藏
盡在牡丹房
嫩蕊包金粉
重葩結繡囊
雲

凝巫峽

一作山

夢簾閉

一作開

景陽粧
應恨年華促
遲遲待

日長

興平縣野中得落星石移置縣齋

的的隨蒼莽
茫茫不記年
幾逢疑虎將
應逐犯牛仙
擇地依蘭畹
題詩間錦錢
何時成五色
却上女媧天

題商山店

商山驛路幾經過未到仙娥見謝娥
紅錦機頭拋皓腕
綠雲鬟下送橫波佯嗔阿母留賓客
暗為王孫換綺羅
碧澗門前一條水豈知平地有天河

風

競持飄忽意何窮為盛為衰半不同
偃草喜逢新雨後

鳴條愁

一作
誰

聽曉霜中涼飛玉管來秦甸
暗裏花枝入

楚宮莫見東風便無定滿帆還有濟川功

雲

深

一作輕

惹離情

一作愁

靄落暉如車如蓋早依依山頭觸

石應常在天際從龍自不歸莫向隙窗籠夜月好來仙
洞濕行衣春風淡蕩無心後見說襄王夢亦稀

露

長隨聖澤墮堯天濯遍幽蘭葉葉鮮纔喜輕塵銷陌上
已愁新月到堦前文騰要地成非久珠綴秋荷偶得圓
幾處花枝抱離恨曉風殘月正潸然

霞

應是行雲未擬歸，變成春態媚晴暉。
深如綺色斜分閣，碎似花光散滿衣。
天際欲銷重慘淡，鏡中間照正依稀。
曉來何處低臨水，無限鴛鴦妒不飛。

穎亭

穎上新亭瞰一川，幾重舊址敞一作幽。
關寒聲北下當

軒水翠影西來撲檻山，遠目靜隨孤鶴去。
高情常共白雲閒，知君久負巢由志。
早晚相忘寂寞間。

詠馬

曾經伯樂識長鳴不似龍行不敢行
金埒未登嘶若是鹽車猶駕瘦何驚
難逢王濟知音癖欲就燕昭買駿名
早晚飛黃引同阜碧雲天上作鸞鳴

題圭峰下長孫家林亭

趙國林亭二百年綠苔如毯葛如煙
閒期竹色搖霜看醉惜松聲枕月眠
出樹圭峰寒壓坐入籬沙瀨碧流天
明知富貴非身物莫為金章墮地仙

牡丹

桃時杏日不爭濃
葉帳

一作翠帷

陰成始放紅
曉艷遠分金

掌露暮香深
惹玉堂風名移蘭杜
千年後貴擅笙歌
百醉中如夢如仙
忽零落暮霞何處
綠屏空

雨

陰雲拂地散
絲輕長得為霖濟
物名夜浦漲歸天
塹闊春風灑入御
溝平軒車幾處歸
頻濕羅綺何人去
欲生

一作驚

不及流他荷葉上
似珠無數轉分明

京一作涼西即事

秋草河蘭起陣雲
涼州唯向管弦聞
豺狼毳幕三千帳
貌虎金戈一作郊十萬軍
候騎北來驚有說
戍樓西望悔為文
昭陽亦待平安火
誰握旌旗不見勲

公子行

紫袖長衫色銀蟬一作蟾
半臂花帶裝一作長
盤水玉鞍繡
坐雲霞別殿承恩澤
飛龍賜渥注控羅青裊一作裊
轡鏤象碧熏一作重
葩意氣傾一作催
歌舞闌珊走鈿車
袖障雲

縹緲釵轉鳳欹斜珠簾迎歸箔雕一作紅籠晃醉紗唯無
難夜日不得似仙家

秋晚信州推院親友或責無書即寄答

官信安仁拙書非叔夜慵謬馳驄馬傳難附鯉魚封萬
里勞何補千年運泰逢不量橫草力虛慕入雲蹤潔水
空澄鑑持鉛亦礪鋒月寒深夜桂霜凜近秋松憲摘無
逃魏寬申得夢馮問狸將挾虎殲蠱敢虞蜂商吹移砧
調春華改鏡容歸期方一作芳晚積愁思暮山重仙鼠猶

驚燕莎雞欲變蛩唯應碧湘浦雲落及芙蓉

晚春江晴寄友人

一作晚春別

晚日低霞綺晴山遠畫眉春青

一作青青

河畔草不是望鄉

時

涼州詞

樹發花如錦鶯啼柳若絲更遊歡宴地悲見別離時

莫春滙水送別

一作暮春送客

綠暗紅稀出鳳城暮雲樓閣

一作宮闕

古今情行人莫聽宮

前水流盡年光是此聲

駱谷晚望

秦川如畫渭

一作柳

如絲去國還家

一作鄉

一望時公子王

孫莫來好嶺花多是斷腸枝

二月二日遊洛源

舊苑新晴草似苔人還香

一作鄉

在踏青迴

一作開

今朝此

地成惆悵已後逢春更莫來

柳

一作和白樂天詔取永豐柳植上苑時為東都留守

折柳歌中得翠條遠移金殿種青霄上陽宮女含

一作吞

聲送不忿

一作忍

先歸舞細

一作學舞腰

楊柳枝

梁苑隋堤事已空萬條猶舞舊春風那堪更想千年後
誰見楊花入漢宮

楊柳枝詞

枝闕纖腰葉闕眉春來無處不如絲霸陵原

一作橋

上多

離別少有長條拂地垂

欽定四庫全書



御定全唐詩

御定全唐詩卷五百六十五

欽定四庫全書

御定全唐詩卷五百六十六

王傳

王傳大中三年登第辟山南觀察判官加授監察御史
詩一首

和襄陽徐相公商賀徐副使加章綬

一作和徐商賀虛員

外賜
緋魚

朱紫聯輝照日新芳菲全屬斷金人華筵重處宗盟地

白雪飛時郢曲春
仙府色饒攀桂侶
蓮花光讓握蘭身
自憐亦是膺門客
吟想恩榮氣益振

盧鄴

盧鄴大中四年登第為浙東觀察副使詩一首

和李尚書命妓餞崔侍御

何郎載酒別賢侯
更吐歌珠宴庾樓
莫道江南不同醉
即陪舟楫上京遊

陸肱

陸肱大中九年登進士第咸通六年自前振武從事試
平判入等後牧南康郡詩一首

松

雪霜知勁質今古占嘉名
斷砌盤根遠疎林偃蓋清
鶴棲何代色僧老四時聲
鬱鬱心彌久煙高萬井生

崔澹

崔澹字知之博陵人父璵兄弟八人並顯貴時謂崔氏
八龍大中十三年登第終吏部侍郎詩一首

贈王福娘

一作贈美人

怪得清

一作輕

風送異香嫋嫋仙子曳霓裳惟應錯認偷

桃客曼倩曾為漢侍郎

莫宣卿

莫宣卿字仲節封州人大中間舉第一官台州別駕詩
三首

荅問讀書居

書屋倚麒麟不同牛馬路牀頭萬卷書溪上五龍渡井

汲冽寒泉桂花香玉露茅簷無外物只見青雲護

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘候
曉車輿合凌霜劍佩寒星河猶皎皎銀箭尚珊珊杳靄
祥光起霏微瑞氣攢忻逢聖明代長願接鵷鸞

賦得水懷珠

長川含媚色波底孕靈珠素魄生蘋末圓規照水隅淪
連冰彩動蕩漾瑞光鋪迴夜

一作
夜迴

星同貫清秋

一作
秋清

岸

不枯江妃思在掌海客亦忘軀合浦當還日恩威信已敷

句

我本南山鳳豈同凡鳥羣

見封川志

封彥卿

封彥卿謬人大中進士第咸通中累官中書舍人坐于琮貶司戶詩一首

和李尚書命妓餞崔侍御

蓮府纔為綠水賓

舊注度杲之在王儉幕府似芙蓉泛綠水故有此句

忽乘驄馬

入咸秦為君唱作西歌調日暮偏傷去住人

李節

李節登大中進士第嘗為河東節度盧鈞巡官詩三首

贈釋疏言還道林寺詩

有序

會昌季年武宗大翦釋氏巾其徒且數萬人民隸其居容貌於土木者沉諸水言詞於紙素者烈諸火分命御史乘駟走天下察敢隱匿者罪之由是

天下名祠珍宇毀撤如掃天子建號之初雪釋氏之不可廢也詔徐復之而自湖已南遠人畏法不能酌朝廷之體前時焚撤書像殆無遺者故雖明命復許創立莫能得其書道林寺湘川之勝游也有釋疏言警辨有謀獨曰太原府國家舊都多釋祠我聞其帥司空范陽公天下仁人我第往求釋氏遺文以惠湘川之人宜其聽我而助成之矣即杖而北游既上謁軍門范陽公果諾之因四求散

逸不成蘊帙者至釋祠而不見焚而副剌者又命
講丐以補繕缺漏者未幾凡得釋經五千四十八
卷以大中九年秋八月輦自河東而歸於湘焉喜
釋氏之助世既言之矣向非我君洞察理源其何
能復立之即既立之且亡其書非有疏言識遠而
誠堅孰克洪之耶吾嘉疏言奉君之令演釋之宗
不憚寒暑之勤德及遠人為叙其事且贈以詩

湘川信信兮俗獷且狃利殺業偷兮吏莫之馴緊釋氏

兮易暴使仁釋何在今釋在斯文

湘水滔滔兮四望何依
猿狖騰拏兮雲樹飛飛
月沈浦兮煙暝山檣
席卷兮櫓牀閒偃仰
兮嘯詠鼓長江兮何時還

湘川超忽兮落日暎暎
松覆秋亭兮蘭被春苑
上人去兮幾千里何日
同遊兮湘川水

韋蟾

韋蟾字隱珪下杜人大中登進士第初為徐商掌書記

咸通末終尚書左丞詩十首

和柯古窮居苦日喜雨

貞機澹少思雅尚防多僻攬葛猶不畏勞形同處瘠頭
焦詎是焚背汗寧關炙方欣見潤礎那虞悲鑠石道與
古人期情難物外適幾懷朱邸綬頗曠金門籍清興已
蕭蕭陳柯將槭槭玉律詩調正瓊卮酒腸窄衣桁襲中
單浴牀拋下綵黎侯寓於衛六義非凡格

岳麓道林寺

石門迴接蒼梧野，愁色陰深二妃寡。
廣殿崔嵬萬壑間，長廊詰曲千巖下。
靜聽林飛念佛鳥，細看壁畫馱經馬。
暖日斜明蟬螻梁，濕烟散冪鴛鴦。
瓦北方部落檀_泥一作香，塑西國文書貝葉寫。
壞欄迸竹醉好題，窄路垂藤困堪把。
沈裘筆力闢雄壯，宋杜詞源兩風雅。
他方居士來施齋，彼岸上人投結夏。
悲我未離擾擾徒，勸我休學悠悠者。
何時得與劉遺民，同入東林遠公社。

上元

一作奉
和山燈

三首

新正圓月夜尤重看燈時累塔嫌沙細成文訝筆遲歸
牛疑燧落過鴈悞書遲生惜蘭膏燼還為隔歲期
舉燭光纔起揮毫勢競分點時驚墜石挑處接崩雲辭
異秦丞相銘非寶冠軍唯愁殘焰落逢玉亦俱焚
多寶神光動生金瑞色浮照人低入郭伴月夜當樓熏
穴應無取焚林固有求夜闌陪玉帳不見九枝留

梅

高樹臨溪豔低枝隔竹繁何須是桃李然後欲忘言擬

折魂先斷須看眼更昏誰知南陌草却解望王孫

送盧潘尚書之靈武

賀蘭山下果園成塞北江南舊有名水木萬家朱戶暗
弓刀千隊鐵衣鳴心源落落堪為將膽氣堂堂合用兵
却使六番諸子弟馬前不信是書生

題僧壁

一竹橫簷挂淨巾竈無煙火地無塵剃頭未必知心法
要且閒於名利人

贈商山僧

商嶺東西路欲分
兩間茅屋一溪雲
師言耳重知師意
人是人非不欲聞

長樂驛謔李湯給事題名

渭水秦川拂照

一作眼

明希仁

一作笑人

何事寡詩情
只應學

得虞姬
書字纔能記姓名

句

爭揮鉤弋手
競聳踏搖身
傷頰詎關舞
捧心非効顰

襄陽

風光亭夜宴有妓
醉毆賦 見紀事

盧渥

盧渥字子章范陽人大中進士第歷中書舍人陝府觀察使終檢校司徒詩二首

賦得壽星見

玄象今何應時和政亦平祥為一人壽色映九霄明皎潔垂銀漢光芒近斗城含規同月滿表瑞得天清甘露盈條降非煙向日生無如此嘉祉率土荷秋成

題嘉祥驛

交親榮餞洛城空，秉鉞戎裝上將同。
星近自天丹詔下，雕鞍照地數程中。
馬嘶靜谷聲偏響，旂映晴山色更紅。
到後定知人易化，滿街棠樹有遺風。

郭夔

一作
藁

郭夔大中時江南進士詩一首

九華山

巖翠凌雲出迥然，岩堯萬丈倚秋天。
暮風飄送當軒色，

曉霧斜飛入檻烟
簾捲倚屏雙影聚
鏡開朱戶九條懸
畫圖何必家家有
自有畫圖來目前

柳珪

柳珪公綽之孫
大中中擢進士
杜悰表為西川幕府
後以藍田尉直弘文館
遷右拾遺終衛尉少卿
詩一首

送莫仲節狀元歸省

青驄聚送謫仙人
南國榮親不及君
椰子味從今日近
鷓鴣聲向舊山聞
孤猿夜叫三湘月
匹馬時侵五嶺雲

想到故鄉應臘過藥欄猶有異花薰



御定全唐詩卷五百六十六

欽定四庫全書

集部

御定全唐詩卷五百
六十七至
七十

詳校官庶吉士_臣胡鈺

主事衛_臣徐以坤覆勘

總校官知縣_臣繆琪

校對官助教_臣汪日贊

騰錄監生_臣李玉瓚

欽定四庫全書

御定全唐詩卷五百六十七

鄭嵎

鄭嵎字賓先大中五年進士第詩一首

津陽門詩并序

津陽門者華清宮之外闕南局禁闌北走京道開
成中嵎常得羣書下帷於石甕僧院而甚聞宮中
陳迹焉今年冬自號而來暮及山下因解鞍謀餐

求客旅邸而主翁年且艾自言世事明皇夜闌酒
餘復為嶠道承平故實翼日於馬上輒裁刻俚叟
之話為長句七言詩凡一千四百字成一百韻止
以門題為之目云耳

津陽門北臨通達雪風獵獵飄酒旗泥寒欸段蹶不進
疲童退問前何為酒家顧客催解裝案前羅列樽與卮
青錢瑣屑安足數白醪軟美甘如飴開壚引滿相獻酬
枯腸渴肺忘朝飢愁憂似見出門去漸覺春色入四肢

主翁移客挑華燈雙肩隱膝烏帽欹笑云給老不為禮
飄蕭雪鬢雙垂頤問余何往凌寒曦顧翁枯朽郎豈知
翁曾豪盛客不見我自為君陳昔時時平親衛號羽林
我纔十五為孤兒射熊搏虎衆莫敵彎弧出入隨飲飛
開元中未有東西神策軍但以六軍為親衛此時初創觀風樓簷高百尺堆

華棖樓南更起闕雞殿晨光山影相參差

觀風樓在宮之外東北隅

屬夾城而連上內前臨馳道周視山川實應中魚朝恩
毀之以修章敬今遺址尚存唯闕雞殿與毬場迤邐尚
在
其年十月移禁仗山下櫛比羅百司朝元閣成老君

見會昌縣以新豐移

時有詔改新豐為會昌縣移自陰

君見於朝元閣南而於其處置降聖觀復改新豐為幽
昭應縣廨宇始成令大將軍高力士率禁樂以落之

州曉進供奉馬玉珂寶勒黃金羈

安祿山每進馬必殊
特而極銜勒之飾

五王扈駕夾城路傳聲校獵渭水湄羽林六軍各出射

龍山絡野張旌維彫弓繡韞不知數翻身滅沒皆蛾眉

赤鷹黃鸛雲中來妖狐狡兔無所依人煩馬殆禽獸盡

百里腥膻禾黍稀

中王有高麗赤鷹岐王有北山黃鸛
逸翻奇姿特異他等上愛之每弋獵

必置於駕前
目為決勝兒暖山度臘東風微宮娃賜浴長湯池刻成

玉蓮噴香液漱迴煙浪深逶迤

宮內除供奉兩湯池內外更有湯十六所長湯

每賜諸嬪御其修廣與諸湯不侔甃以文瑤寶石中央有玉蓮捧湯泉噴以成池又縫綴綺繡為鳧雁於水中

上時於其間泛銀鏤小舟以嬉遊焉

犀屏象薦雜羅列錦鳧繡雁相追隨

破簪碎鈿不足拾金溝殘溜和纓綫上皇寬容易承事

十家三國爭光輝繞牀呼盧恣樗博張燈達晝相謾欺

相君侈擬縱驕橫日從秦號多游嬉朱衫馬前未滿足

更驅武卒羅旌旗

楊國忠為宰相帶銀南節度使常與秦虢聯轡而出更於馬前以兩川旌

節為導也畫輪寶軸從天來雲中笑語聲融怡鳴鞭後騎何

躑躑宮粧襟袖皆仙姿青門紫陌多春風風中數日殘

春遺驪駒吐沫一奮迅路人擁篲爭珠璣

事盡載在國史中此下更

重叙其事八姨新起合歡堂翔鷗賀燕無由窺萬金酬工不

肖去矜能恃巧猶嗟咨

號國創一堂價費萬金堂成工

授絳羅五千尺工者嗤而不顧號國異之問其由工曰

其生平之能殫於此矣苟不知信願得螻蟻蜥蜴蜂蟻

之類去其目而投於堂中使有隙失一物即不論工直

也於是又以繒綵珍貝與之山下人至今話故事者尚

以第行呼諸姨焉四方節制傾附媚窮奢極侈沽恩私堂中特

號國夜明枕置於堂中光

設夜明枕銀燭不張光鑒帷

燭一室西川節度使所進

事載國史略書之

瑤光樓南皆紫禁梨園仙宴臨花枝迎娘歌

喉玉碎窈窕兒舞帶金歲玼

瑤光樓即飛霜殿之北門迎娘蠻兒乃梨園弟子之

名聞

三郎紫笛弄烟月怨如別鶴呼羈雌王奴琵琶龍

香撥倚歌促酒聲嬌悲

上皇善吹笛常寶一紫玉管貴妃妙彈琵琶其樂器聞於人間

者有邏迺檀為槽龍香柏為撥者上每執酒卮必令迎娘歌水調曲遍而太真輒彈弦倚歌為上送酒內中皆

以上為三郎王奴乃太真小字也

飲鹿泉邊春露晞粉梅檀杏飄朱墀

金沙洞口長生殿玉蕊峰頭王母祠

山城內多馴鹿流澗號為飲鹿有長

生殿乃齋殿也有事於朝元閣即御長生殿以沐浴也

禁庭術士多幻化上前較

勝紛相持羅公如意奪顏色三藏袈裟成散絲上顯崇羅公遠

楊妃尤信金剛三藏上嘗幸功德院將謁七聖殿忽然背痒公遠折竹枝化作七寶如意以進上大喜顧謂金剛曰上人能致此乎三藏曰此幻術耳僧為陛下取真物乃於袖中出如意七寶炳耀而光遠所進即時復為竹枝耳後一日楊妃始以二人定優劣時禁中將創小殿三藏乃舉一鴻梁於空中將中公遠之首公遠不為動容上連命止之公遠飛符於他處竊三藏金欄袈裟於簾中守者不之見三藏怒又咒取之須臾而至公遠復嚙水龍符於袈裟上散為絲縷以盡也蓬萊池上望秋月無雲萬里懸清

輝上皇夜半月中去三十六宮愁不歸月中秘樂天半

聞丁璫玉石和瑱簾宸聰聽覽未終曲却到人間迷是

非葉法善引上八月宮時秋已深上苦凄冷不能久留

歸於天半尚聞仙樂及上歸且記憶其半遂於笛中

寫之會西涼都督楊敬述進婆羅門曲與其聲調相符

遂以月中所聞為之散序用敬述所進曲作其腔而名

霓裳羽衣法曲千秋御節在八月會同萬國朝華夷花萼樓南

大合樂八音九奏鸞來儀都盧尋橦誠齷齪公孫劍伎

方神奇馬知舞徹下牀榻人惜曲終更羽衣上始以誕

秋節每大酺會必於勤政樓下使華夷縱觀有公孫大

娘舞劍當時號為雄妙又設連榻令馬舞其上馬衣純

綺而被鈴鐸驥首奮鬣舉趾翹尾變態動容皆中音律

又令宮妓梳九騎仙髻衣孔雀翠衣佩七寶纓絡為霓

裳羽衣之類曲終珠翠可掃其舞馬祿山亦將數疋以

歸而私習之其後田承嗣代安有存者一旦於廐上聞

次定四庫全書

御定全唐詩

五

鼓聲頓挫其舞殿人惡之舉簪以擊之其馬尚為怒未
妍妙因更奮擊宛轉曲盡其態廝恐以告承嗣以為妖
遂戮之而舞祿山此時侍御側金雞畫障當眾罵繡綉
馬自此絕矣

衣祿日肩鼎甘言狡計愈嬌癡上每坐及宴會必令祿山坐於御座側而以金

雞障隔之賜其跪太真又以為子時祿戲而加之
上亦呼之祿兒每入宮必先拜貴妃然後拜上上笑而
問其故輒對曰臣本蕃中人詔令上路建甲第樓通走
禮先拜母後拜父是以然也

馬如飛鞚大開內府恣供給玉缶金筐銀簸箕時於親仁里南

陌為祿山建甲第令中貴人督其事仍謂之曰卿善為
部署祿山眼孔大勿令笑我至於籌筐簸箕金缶之具
咸金銀為之今四異謀潛熾促歸去臨軒賜帶盈十圍
元觀即其故第耳

祿山肥博過人腹垂而
緩帶十五圍方周體
忠臣張公識逆狀日日切諫上

弗疑

張曲江先識其必反逆狀數數言於上上湯成召

浴果不至潼關已溢漁陽師御街一夕無禁鼓玉輅順

動西南馳

其年賜柑子使回泣訴祿山反狀云臣幾不得生還上猶疑其言復遣使喻云我為卿造

一湯待卿至使回答言反狀上九門回望塵坌多六龍

夜馭兵衛疲縣官無人具軍頓行宮徹屋屠雲螭

時郊畿草

擾無御頓之備上命徹行宮木宰御馬以饗士卒馬嵬驛前駕不發宰相射殺

冤者誰長眉鬢髮作凝血空有君王潛涕洟青泥坂上

到三蜀金堤城邊止九旂移文泣祭昔臣墓度曲悲歌

秋雁辭

駕至蜀詔中貴人馳祭張曲江墓悔不納其諫又過劍閣下望山川忽憶水調辭云山川滿目

淚沾衣富貴榮華能幾時不見只今汾水上唯有年年秋雁飛上泣然流涕顧問左右曰此誰人詩從臣對曰

此李嶠詩復掩泣曰明年尚父上捷書洗清觀闕收封

畿兩君相見望賢頓君臣鼓舞皆獻欷

望賢宮在咸陽之東數里時明

皇自蜀回肅宗迎駕上皇自致傳國璽於上上獻欷拜受左右皆泣曰不圖今日復觀兩君相見之禮駕將入開遠門上皇疑先後入門不決顧問從臣不能對高力士前曰上皇雖尊皇帝主也上皇偏門而先行皇帝正門而入後行者老皆呼萬歲當時皆是之宮中親呼高驃騎潛令改葬楊真

妃花膚雪豔不復見空有香囊和淚滋

時肅宗詔令改葬太真高力士

知其所瘞在嵬坡驛西北十餘步當時乘輿匆遽無復備周身之具但以紫綳裹之及收塋之時皆已朽壞惟有胸前紫繡香囊中尚得冰麝香時以進上皇上皇泣而佩之鑾輿却入華清宮滿山

紅實垂相思飛霜殿前月悄悄迎春亭下風颼颼

飛霜殿即

寢殿而白傳長恨歌以長生殿為寢殿殊誤矣上皇至明年復幸華清宮信宿乃回自此遂移處西內中矣

雪衣女失玉籠在長生鹿瘦銅牌垂象牀塵凝罨頰被

畫檐蟲網頗梨碑

太真養白鸚鵡西國所貢辨惠多辭上尤愛之字為雪衣女上常於芙蓉

園中獲白鹿惟山人王旻識之曰此漢時鹿也上異之令左右周視之乃於角際雪毛中得銅牌子刻之曰宜

春苑中白鹿上由是愈愛之移於北山目之曰仙客上
止華清羣鳳公主嘗為上晨召聽按新水調主愛起晚
遽冒珍珠被而出及冠至倉惶隨駕出宮後不知省及
上歸南內一旦再入此宮而當時羣鳳之被宛然而塵
積矣上尤感焉溫泉堂碑其石瑩
徹見人形影宮中號為頗梨碑

碧菱花覆雲母陵風

簞雨菊低離披真人影帳偏生草果老藥堂空掩扉

真人

李順興後周時修道北山神堯皇帝受禪真人潛告符
契至今山下有祠宇宮中有七聖殿自神堯至睿宗建
寶后皆立衣衾衣統殿石榴樹皆太真所植俱擁腫矣
南有功德院其間瑤壇羽帳皆在焉順興影堂果老藥
室亦在
禁中也

鼎湖一日失弓劍橋山煙草俄霏霏空聞玉腕

入金市但見銅壺飄翠帷開元到今踰十紀當初事跡

皆殘墮竹花唯養棲梧鳳水藻周游巢葉龜會昌御宇
斥內典去留二教分黃縹慶山汙渚石甕毀紅樓綵閣
皆支離奇松怪柏為樵蘇童山智谷亡嶮巖煙中壁碎

摩詰畫雲間字失元宗詩

持國寺本名慶山寺德宗始改其額寺有綵額複道而上

天后朝以禁臣取宮中制度結構之石甕寺開元中以
創造華清宮餘材修繕佛殿中玉石像皆幽州進來與
朝元閣道像同日而至精妙無比叩之如磬餘像並揚
惠之手塑肢空像皆元伽兒之制能妙纖麗曠古無儔
紅樓在佛殿之西巖下臨絕壁樓中有玄宗題詩草八
分每一篇一體王右丞山水兩壁寺毀之後皆失之矣
摩詰乃王石魚巖底百尋井銀牀下卷紅綆遲當時清
維之字也

影蔭紅葉一旦飛埃埋素規

石魚巖下有天竺石其形如甕以貯飛泉故上以石

甕為寺名寺僧於上層飛樓中縣轆轤故引修竿長二百餘尺以汲甕泉出於紅樓喬樹之杪寺既毀拆石甕

今已埋沒矣

韓家燭臺倚林杪千枝燦若山霞攜昔年光彩

奪天月昨日銷鎔當路岐

韓國為千枝燈臺高八十尺置於山上每至上元夜則然

之千光奪月凡百里之內皆可望焉

龍宮御榜高可惜火焚牛挽臨崎峴

孔雀松殘赤琥珀鴛鴦瓦碎青琉璃

寺額睿宗在藩邸中所題也標於危

樓之上世傳孔雀松下有赤荻苓入土千年則成琥今珀寺之前峰古松老柏泊乎嘉草今皆樵蘇蕩除矣

我前程能幾許徒有餘息筋力羸逢君話此空灑涕却

憶歡娛無見期主翁莫泣聽我語寧勞感舊休吁嘻河清
海宴不難覩我皇已上昇平基湟中土地昔湮沒昨夜
收復無滄痍戎王北走棄青塚虜馬西奔空月支兩逢
堯年豈易偶願翁頤養豐膚肌平明酒醒便分首今夕
一樽翁莫違

崔櫓

一作魯

崔櫓大中時舉進士

一作廣明
中進士

仕為棣州司馬無機集

四卷今存詩十六首

春日

一本此下有長安二字

即事

一百五日又欲來梨花梅花參差開行人自笑不歸去
瘦馬獨吟真可哀杏酪漸香鄰舍粥榆煙將變舊爐灰
畫橋春暖清歌夜宵信愁腸日九迴

春晚岳陽言懷二首

煙花零落過清明異國光陰老客情雲夢夕陽愁裏色
洞庭春浪坐來聲天邊一與舊山別江上幾看芳草生
獨倚欄干意難寫暮笳鳴咽調孤城

翠煙如鈿柳如環晴倚南樓獨看山江國草花三月暮
帝城塵夢一年間虛舟尚歎縈難解飛鳥空慚倦未還
何似不羈詹父伴睡煙歌月老潺潺

過蠻溪渡

綠楊如髮雨如煙立馬危橋獨喚船山口斷雲迷舊路
渡頭芳草憶前身身隨遠道徒悲梗詩賣明時不直錢
歸去楚臺還有計釣船春雨日高眠

岸梅

含情含怨一枝枝斜壓漁家短短籬
惹袖尚餘香半日向人如訴雨多時
初開偏稱一作已入雕梁畫未落先愁玉
笛吹行客見來無去意解帆煙浦為題詩

重陽日次荆南路經武寧驛

茱萸冷吹溪口香菊花倒遶山脚黃
家山去此強百里弟妹待我醉重陽
風健早鴻高曉景露清圓碧照秋光
莫看時節年年好暗送搔頭逐手霜

述懷

白首成何事無歡可替悲空餘酒中興猶似少年時

三月晦日送客

野酌亂無巡送君兼送春明年春色至莫作未歸人

華清宮三首

草遶回磴絕鳴鑾雲樹深深碧殿寒明月自來還自去
更無人倚玉闌干

障掩金雞蓄禍機翠華西拂蜀雲飛珠簾一閉朝元閣
不見人歸見燕歸

門橫金鎖悄無人
落日秋聲渭水濱
紅葉下山寒寂寂
濕雲如夢雨如塵

題雲夢亭

薄煙如夢雨如塵
霜景晴來卻勝春
好住池西紅葉樹
何年今日伴何人

有酒失於虔州陸郎中肱以詩謝之

一作酒後
謝陸虔州

醉時顛蹶醒時羞
麴蘖推人不自由
叵耐一雙窮相眼
不堪花卉在前頭

聞笛

一作華清宮

銀河漾漾月暉暉
樓礙星邊織女機
橫玉叫雲天似水
滿空霜逐一聲飛

山路見花

曉紅初

一作輕

拆露香新獨立空山冷笑人

一作春

春意自

知無主惜恣風吹
逐馬蹄塵

暮春對花

病香無力被風欺
多在青苔少在枝
馬上行人莫回首

斷君腸是欲殘時

句

強半瘦因前夜雪數枝愁向晚天來

梅花以下
並見撫言

無人

解把無塵袖盛取殘香盡日憐

花逆

一番春雨吹巢冷

半朶山花咽紫香

山鵲

雲生柱礎降龍地露洗林巒放

鶴天

菱葉乍翻人採後荇花初沒舸行時

見池上
詩史

御定全唐詩卷五百六十七

欽定四庫全書

御定全唐詩卷五百六十八

李羣玉

李羣玉字文山澧州人性曠逸赴舉一上而止惟以吟詠自適裴休觀察湖南延致之及為相以詩論薦授弘文館校書郎未幾乞假歸卒集三卷後集五卷今編詩三卷

烏夜號

一作啼

層波隔夢渚

一作時

一望青楓林有鳥在其間達曉自悲

吟是時月黑天四野煙雨深如聞生離哭其聲痛人心

悄悄夜正長空山響哀音遠客不可聽坐愁華髮侵既

非蜀帝魂恐是桓

一作恒

山禽四子各分散母聲猶至今

昇仙操

羸女去秦宮瓊笙

一作蕭

飛

一作生碧空鳳臺閉煙霧鸞吹

飄天風復聞周太子亦遇浮丘公叢簧發天

一作仙

弄輕

舉紫霞中濁世不久駐清都路何窮一去霄漢上世人

那得逢

雨夜呈長官

遠客坐長夜雨聲孤
寺秋請量東海水看取淺深愁
窮重於山終年壓人頭
朱顏與芳景暗赴東波流
鱗翼思風水青雲方阻脩
孤鐙冷素豔蟲響寒房幽
借問陶淵明何物號忘憂
無因一酩酊高枕萬情休

小弟鯨南遊近書來

一作近來書

湘南客帆稀遊子寡消息
經時停尺素望盡雲邊翼
笑

言頻

一作憑

夢寐獨立想容色落景無來人脩江入天白

停停倚門念瑟瑟風雨夕何處泊扁舟迢遞湍波側秋
歸舊窗竹永夜一淒寂吟爾鵲鵲篇中宵慰相憶

贈方處士

白衣方外人高閑溪中鶴無心戀稻梁但以林

一作雲

泉

樂赤霄終得意天池俟飛躍歲晏入帝鄉期君在寥廓

秋怨

一作悲

瑟瑟涼海氣西來送愁客金風死綠蕙玉露生寒松所

思在滇

一作
冥

碧無因一相逢登樓睇去翼目盡滄波重

虛窗度流螢斜月啼幽蛩疎紅落殘艷冷水凋芙蓉歲
暮空太息年華逐遺踪凝情耿不寐攬涕起疎慵

感春

春情不可狀豔豔令人醉暮水綠楊愁深窗落花思吳
宮新暖日海燕雙飛至秋

一作
愁

思逐煙光空濛滿天地

山中秋夕

抱琴出南樓氣爽浮雲滅松風吹

一作
吟

天簫竹路踏碎

月後山鶴吸定前浦荷香發境寂良

一作長

夜深了與人

間別

將遊羅浮登廣陵楞伽臺別羽客

清遠登高臺晃朗縱覽歷濯泉喚仙風於此盪靈魄冷

光邀

一作激

遠目百里見海色送雲歸蓬壺望鶴滅秋碧

波瀾收日氣天自

一作上

回澄寂百越落掌中十洲點空

白身居飛鳥上口詠玄元籍飄如出塵籠想望吹簫客

冥冥人間世歌笑不足惜竭來羅浮巔披雲煉瓊液謝

公雲岑興可以躡高跡吾將抱瑤琴絕境縱所適

廬溪道中

曉發潺湲亭夜宿潺湲水風篁掃

一作拂

石瀨琴聲九十

里光奔覺來眼寒落夢中耳曾向三峽行巴江亦如此

湖中古愁三首

涼風西海來直渡洞庭水脩脩木葉下白浪連天起蘅

蘭委皓雪

一作霜

百草一時死摧殘負志人感歎何窮已

昔我覩雲夢窮秋經汨羅靈均竟不返怨氣成微波莫

桂開古祠朦朧入幽蘿落日瀟湘上淒涼吟九歌

南雲哭重華水死悲二女天邊九點黛白骨迷處所朦朧波上瑟清夜降北渚萬古一雙魂飄飄在煙雨

別狄佩

梁公玄孫
旅於南國

翠竹不著花鳳雛長忍飢未開丹霄翮空抱碧梧枝聖人奏雲韶祥鳳一來儀文章耀白日衆鳥莫敢窺鬱抑

一作
苑柳

不自言凡鳥何由知當看九千仞飛出太平時

古鏡

明月何處來朦朧在人境得非軒轅作妙絕世莫竝瑤
匣開旭日白電走孤影泓澄一尺天徹底寒一作涵霜景
冰輝凜毛髮使我肝膽冷忽驚行深幽面落九秋井雲
天入掌握爽朗神魂一作魄淨不必負局仙金沙發光炯
陰沈蓄靈怪可與天地永恐為悲龍吟飛去在俄頃

我思何所在

我思何所在乃在陽臺側良宵相望時空此明月色歸
魂泊湘雲飄蕩去不得覺來理舟楫波浪春湖白煙光

浩

一作皓

楚秋瑶草不忍摘因書天末

一作莫

心繫此雙飛

翼

送蕭綰之桂林

時羣玉遊豫章

蘭香

江一作

佩蘭人弄蘭

一作三弄

蘭江春爾為蘭林

一作陵

秀

芳藻驚常倫燦燦鳳池喬一毛今再新竹花不給口樵

悴清湘濱一朝南溟飛彩翮不可親蒼梧雲水晚離思

空凝顰

一作頻

我亦縱煙櫂西浮彭蠡津丈夫未虎變落

魄甘風塵大禹惜寸陰況我無才身流光銷道路以此

生嗟辛萬里潤分袂相思杳難申
桂水秋更碧寄書西上鱗

感興四首

子雲吞白鳳遂吐太玄書幽微十萬字
枝葉何扶疎婉變猛虎口甘言累其初
一覩美新作斯瑕安可除

昔竊不死藥奔空有

一作二

婦一作姮

娥盈盈天上豔孤潔

棲金波織女了無語長宵隔銀河
軋軋揮素手幾時停玉梭

洞房三五夕金釭凝焰滅美人抱雲和斜倚紗窗月沈

吟想幽夢閨思深不說弦冷玉指寒含顰待一作達明發

朔鴈

一作鴈口

銜邊秋寒聲落燕代先驚愁人耳顏髮潛消

改凝雲蔽洛浦夢寐勞光彩天邊無書來相思淚成海

將之吳越留別坐中文酒諸侶

秋色滿水國江湖興蕭然氛埃斂八極萬里淨澄鮮淙

浦縱孤擢吳門渺三千迴

一作迴

隨衡陽鴈南入洞庭天

早聞陸士龍矯掌跨山川非思鱸魚膾且弄五湖船暝

泊遠浦霞曉飯蘆洲煙風流訪王謝佳境恣洄沿霜剪

別岸柳香枯北池蓮歲華坐搖落寂寂

一作感

感流年明

朝即漂萍離憾

一作恨

無由相思空江上何處金波圓

大雲池泛舟

第五句缺三字

九月蓮花死萍枯霜水清船浮天光遠櫂拂翠瀾輕古

木了無煙靄生游鱗泳皎潔洞見逍遙情漁父

一曲歌滄浪遂知名未知斯水上可以濯吾纓

送友人之

此下一本有巫字

峽

東吳有賦客願識陽臺仙彩毫飛白雲一作雪不減郢中

篇楚水五月浪輕舟入暮煙巫雲多感夢桂檝早回旋

登宜春醉宿景星寺寄鄭判官兼簡空上人

曉發碧水陽暝宿金山寺松風灑寒雨浙瀝醒餘醉夜

中香積飯蔬粒俱一作具精異境寂滅塵愁神高得詩思

皎皎滎陽子芳春富才義漲海豁心源水壺見門地碧

霄有鳩一作鴻序未展聯行翅俱一作但笑一尺繩三年

絆騏驥摧藏擔簦客一作客鬱抑胸襟事名業爾一作雨未

從臨風嘿舒志

一作氣

一身渺

一作眇

雲嶺中夜空涕泗側

枕對孤鐙衾寒不成寐糧薪極桂玉大道生榛刺耻息
惡木陰難書劒歌意揚鞭入莽蒼山驛凌煙翠越鳥日
南飛芳音願相次

江樓獨酌懷從叔

水國發爽氣川光靜高秋酣歌金尊醪送此清風愁楚
色忽滿目灘聲落西樓雲翻天邊葉月弄波上

一作中

鉤

芳意長

一作張

揺落蘅蘭謝汀洲長吟碧雲合悵望江之

幽

登章華樓

楚子故宮地蒼然雲水

一作木

秋我來覽從

一作後

事落景

空生愁伯業沒荊棘雄圖成古丘沈吟問鼎語但見東
波流征鴻引鄉心一去何悠悠晴湖碧雲晚暝色空高
樓迢遞趨遠嶠微茫入孤舟空路不堪望西風白浪稠

驄馬

浮雲何權奇絕足世未知長嘶清

一作青

海風蹀躞蹀振雲

絲由來渥注種本是蒼龍兒穆滿不再活無人崑閬騎

若

一作君

識躍嶠

一作踰

怯寧勞耀金羈青芻與白水空笑

駑駘肥伯樂倘一見應驚耳長垂當思八荒外逐日向
瑤池

贈方處士兼以寫別

天與雲鶴情人間恣詩酒龍宮奉採覓瀕洞一千首清
如南薰絲韻若黃鍾吼喜於風騷地忽見陶謝手籍籍
九江西篇篇在人口芙蓉為芳菲未落諸花後所知心

眼大別自開戶牖才力侶風鵬誰能算

一作弄

升斗無營

一作云

傲雲竹琴帙靜為友鸞鳳戢羽儀騏驎在郊藪鏡

湖春水綠越客憶歸否白衣四十秋逍遙一何久此身

無定跡又逐浮雲走離思書不窮殘陽落江

一作紅

柳

湘西寺霽夜

雨過瑠璃宮佳興浩清絕松風冷晴灘竹路踏碎月月

波蕩如水氣爽星朗滅皓夜千樹寒

一作霜

崢嶸萬巖雪

後山鶴唳斷前池荷香發境寂涼夜深神思空飛越

傷思

八月白露濃芙蓉抱香死紅枯金粉墮寥落寒塘水西
風團葉下疊穀參差起不見擢歌人空垂綠房子

送鄭京昭之雲安

君吟高唐賦路過巫山渚莫令巫山下幽夢惹雲雨往

事幾千年芬菲

一作芳

今尚傳空留荆王館巖嶂深蒼然

楚水五月浪輕舟入蘋煙送君揚楫去愁絕郢城篇

送處士自番禺東遊便歸蘇臺別業

啞軋暮江上櫓聲搖落心宛陵三千里路指吳雲深萼

菜動歸興忽然聞會吟南浮龍川一作舟月東下敬亭岑

多君一作道咏一作吟逍遙結蘿碧溪陰高籠華表一作亭鶴

靜對幽蘭琴汗漫江海思傲然抽冠簪歸嶼一作巖未云

寂還家一作許應追尋二陸文苑秀岩嶠懷所欽惜我入

洛晚不睹雙南金江左風流盡名賢成古今送君無限

意別酒但加斟

法華微上人盛話金山境勝舊遊在目吟成此

篇

江上青蓮宮人間蓬萊島煙霞與波浪隱映樓臺好潮

門

一作朝聞

梵音靜海日天光

一作風

早願與靈驚人吟經此

終老

洞庭入澧江寄巴丘故人

四月桑半枝吳蠶初弄絲江行好風日燕舞輕波時去
事旋成夢來歡難預期唯憑東流水日夜寄相思

自澧浦東遊江表途出巴丘投負外從公虞

短翮後飛者前攀鸞鶴翔力微應萬里

一作點

矯首空蒼

蒼誰昔探花源考槃西岳

丘一作

陽高風動商洛綺皓無

馨香一朝下蒲輪清輝照巖廊孤醒立衆醉古道何由

昌經術震浮盪國風掃齊梁文襟即玄圃筆下成琳琅

霞水散吟嘯松筠奉琴觴冰壺避皎潔武庫羞

一作差

鋒

銑小子書代耕束髮頗自強艱哉水投石壯志空摧藏

十年侶龜魚垂頭在沅湘巴歌拚白雪鮑肆埋蘭芳騷

雅道未喪

一作消

何憂名不彰飢寒束困厄默塞飛星霜

百志不成一東波擲年光塵生脫粟甌萬里違高堂中
夜恨火來焚燒九回腸平明梁山淚緣枕霑佳牀依泊
洞庭波木葉忽已黃哀砧擣秋色曉月啼寒蛩復此櫂
孤舟雲濤浩浩茫茫朱門待媒勢一作贊短褐誰揄揚仰羨
野陂鳧無心憂稻梁不如天邊鴈南北皆成行男兒白
日間變化未可量所希困辱地剪拂成騰驤咋筆話肝
肺詠茲枯魚章何由首西路目斷白雲鄉

洞庭驛樓雪夜讌集奉贈前湘州張員外

第十
二句

下缺
八字

昔與張湘州閒登岳陽樓目窮衡巫表興盡荆吳秋擲
筆落郢曲巴人不能酬是時替裾會景物窮冥搜誤忝
璫筵秀得陪文苑遊幾篇雲楣上風雨沈銀鈎

滄洲童兒待郭伋竹馬空遲留路指雲漢

津誰能吟四愁銀壺傲海雪青管羅名謳賤子迹未安
謀身拙如鳩分隨煙霞老豈有風雲求不逐萬物化但
貽知己羞方窮立一作力命說戰勝心悠悠不然蹲會稽

鈎下三

一作二

五牛所期波濤助燁赫呈吞舟

一本自童兒以下另

為一首題作滄洲

送鄭子寬棄官東遊便歸女几

八月湖浸天揚帆入秋色岷峨雪氣來寒漲瀟湘碧子
真真鴻志不逐籠下翼九女疊雲屏於焉恣栖息新詩

山水思靜入陶謝格

一作室

困

一作因

醉松花春追攀紫煙

客相逢十年舊嘖笑等歡憾一飯玉露蔬

一作疎

中腸展

堆積停食不盡意傾意

一作景

悵可惜雲水一分飛離憂

洞庭側迴車三鄉路仙菊正堪摘寄謝杜蘭香何年別
張碩

長沙九日登東樓觀舞

南國有佳人輕盈綠腰舞華筵九秋暮飛袂拂雲雨翩
如蘭茗翠

一作緩如
祥煙泛

婉如

一作若

游龍舉越豔罷前溪吳

姬停白紵

慢態不能窮繁姿曲向終低回蓮破

一作蕖
一作被

浪凌亂雪

紫風墜珥時流盼脩裾欲遡空唯愁捉不住飛去逐鷺

鴻

龍山人惠石廩方及團茶

客有衡岳隱遺余石廩茶自云凌煙露采掇春山芽珪
璧相壓疊積芳莫能加碾成黃金粉輕嫩如松花紅鑪
爨霜枝越兒斟井華灘聲起魚眼滿鼎漂清霞凝澄坐
曉鐙病眼如蒙紗一甌拂昏寐襟鬲開煩拏顧渚與方
山誰人留品差持甌默吟味搖膝空咨嗟

宿鳥遠峽化

一作北

臺遇風雨

孤鶴長松顛獨宿萬巖雨龍湫在石脚引袂時一取驚
風折喬木飛焰獵窗戶半夜霹靂聲高齋有人語

岳陽春晚

不覺春物老塊然湖上樓雲沙鷗鵠思風日沅湘愁去
翼滅雲夢來帆指昭丘所嗟芳桂晚寂寞對汀洲

漢陽春晚

漢陽抱青山飛樓暎湘渚白雲蔽黃鶴綠樹藏鸚鵡憑
高送春日一作流恨傷千古遐思一作禰衡才令人怨

黃祖

將離澧浦置酒野嶼奉懷沈正字昆弟三人聯

登高第

春月

一作日

三改兔花枝成綠陰年光東流水浩歎傷羈

心酌桂煙嶼晚鳩

一作鷓鴣

鳴江草深良圖一起忽萬恨空

相尋上國刈

一作刈

翹楚才微甘陸沈無銓假貧女有淚

沾牛衾衡岳三麒麟各振黃鍾音卿雲被文彩芳價搖

一作傾

詞林夫子芸閣英養鱗湘水潯晴沙踏蘭菊隱几

當青岑明月

一作日

洞庭上悠揚挂離襟停觴一搖筆聊

寄生芻吟

湘中別成威閣黎

至哉彼上人冰霜凜規則遊心杳何境宴坐入冥默解
空與密行名臘信崇德吐論駕秋濤龍宮發胸臆羣迷
行大夜浩浩一昏黑赤水千丈深玄珠幾人得持栴挹
一作泥溟漲至理安可測寧假喻芭蕉真成嗅薝蔔松聲
掃白月霽夜來靜域清梵罷法筵天香滿衣襟一作袂何

方濟了岸抵仗慈航力願與十八賢同棲翠蓮國

別尹鍊師

吾家五千言至道懸日月若非函谷

一作闕

令誰注流沙

說多君飛昇志機悟獨超拔學道玉笥山燒丹白雲穴
南窮衡疑秀采藥歷幽絕夜卧瀑布風朝行碧巖雪洞
宮四百日玉籍恣探閱徒以菌蟪姿緬攀修真訣塵籠
罩浮世遐思空飛越一罷棋酒歡離情滿寥泝願騎紫
蓋鶴早向黃金闕城市不可留塵埃穢仙骨

飯僧

好讀天竺書為尋無生理焚香面金偈一室唯巾几交

信方外言

一作所交
信方外

二三空門子峻範照秋霜高標拚

僧史清晨潔蔬茗延請良有以一落喧譁競

一作
競塗

栖心

願依止奔曦入半百冉冉頽濛汜雲汎名利心風輕

一作

經是非齒向

一作
尚

為情愛縛未盡金仙旨以靜制猿心

將虞瞋然起綸巾與藜杖此意真已矣他日雲壑間來

尋幽

一作
龐

居士

贈回雪

回雪舞縈盈縈盈若回雪腰支一把玉祗恐風吹折如
能買一笑滿斗量明月安得金蓮花步步承羅襪

將之京國贈薛負外

黃葉下空館寂寥寒雨愁平居歲華晏絡緯啼林幽節
物凋壯志咄嗟不能休空懷趙鞅歎變化良無由所思
杳何如側身仰

一作望

皇州蒼煙晦楚野寒浪埋昭丘趙

壹賦命薄陳思多世憂翻然羨魚鳥暢矣山川遊薛公

龍泉姿其氣在斗牛南冠束秀

一作禿

髮白石勞悲謳主

袞照崇閎

一作閎

文儒嗣箕裘曠然方寸地霽海浮雲舟

澧浦一遺佩郢南再悲秋叫閹路既阻浩蕩懷靈修莫

奏武溪笛且

一作是

登仲宣樓亨通與否閉物理相沈浮

天子坐宣室夔龍奉謨

一作謀

猷行當賜環去豈作遺賢

羞

送魏珪覲省

木落楚

一作秋

色深風高浪花白送君飛一葉鳥逝入空

碧猗歟白華秀傷心倚門夕不知雲漲遥萬里看咫尺

蕭蕭青楓岸去揜江山

一作上

宅離觴有黃花節物助淒

戚瀟湘入濡桂一路縈水石煙蘿拂行舟玉瀨鏘枕席

多君林泉趣耽翫日成癖長嘯凌清暉襟情當雪

一作當空

滌登龍屈指內飛譽甚籍籍未折月中枝寧隨宋都鵷

日

一作

余吞聲地舉足傷瓦礫見爾一開顏溫明乃珠

璧春風到雲嶠把酒時相憶豈菟花入舩鷓鴣啼送客

颺天與瘴

一作嶂

海此去備公歷珍重春官英加餐數刀

帛

始忝四座奏狀聞薦蒙恩授官旋進歌詩延英
宣賜言懷紀事呈同館諸公二十四韻

兩鬢有二毛光陰流浪中形骸日土木志氣隨雲風冥
默楚江畔蕭條林巷空幽鳥事翔翥斂翼依蒿蓬一飯
五放箸愀然念途窮孟門在步武所向何由通祗微一作

徵諸

大易言物否不可終庶期白雪調一奏驚凡聾昨忝

丞相召揚鞭指冥鴻姓名挂丹詔文句飛天聰解薛龍

鳳署懷鉛蘭桂叢聲名仰聞見煙漢陪高蹤
我我羣玉山肅肅紫殿東神飈泛鐘漏佳氣浮筠松
自顧珉玞璞何緣侶圭琮羣賢垂重價省已增磨礪
天子棲穆清三台付夔龍九霄降雨露萬國望時雍
巍巍致君期勛華將比崇承天四柱石巖若窺衡
嵩日見帝道昇謀猷垂景鍾寰瀛納壽域翔泳皆冲融
百神儼云亭佇將告成功吾徒事文藻驪首歌登封

穆天子

穆滿恣逸志而輕天下君一朝得八駿逐日西溟濱寂

漠

一作寥

崦嵫幽絕迹留空文三千閔

一作閉

宮豔怨絕寧

勝云或言帝軒轅乘龍凌紫氛橋山葬弓劍

曖一作昧

竟難分不思五弦琴作歌詠南薰但聽西王母瑤池吟

白雲

廣州重別方處士之封川

久約同遊羅浮期素秋而行

楚國傲名客九州徧芳聲

一作馨

白衣謝簪紱雲卧重巖

扃長波飛素舸五月下南溟大笑相逢日天邊作酒星

七

十一作

年一雲雨常恨輝容隔天末又分襟離憂鬢堪

白願回凌

一作陵

潮

檝且著

登山屐共期羅浮秋與子醉

海色

洞庭遇秋

塵愁老來顏久與江山

一作上

隔道遥澄湖上洗眼見秋

色涼波弄輕擢湖

一作湘

月生遠碧未減遥客情西望杳

何極

寄短書歌

骨肉萍蓬各天末十度附書九不達孤臺冷眼無來人
楚水秦天莽空濶翔鴈橫秋過洞庭西風落日浪崢嶸
三年音信凝顰外一曲哀歌白髮生

王內人琵琶引

皓魄翻
以下缺

檀槽一曲黃鍾羽細撥紫雲金鳳語萬里胡天海塞秋
分明彈出風沙愁三千宮嬪推第一斂黛傾鬟艷蘭室
羸女停吹降浦簫婦一作帝娥淨拚空波瑟瑟幕橫雲蠟
燄光銀龍吐酒菊花香皓魄一作腕翻

醒起獨酌懷友

西風靜夜吹蓮塘芙蓉破紅金粉香
摘花把酒弄秋芳
吳雲楚水愁茫茫美人此夕不入夢
獨宿高樓明月涼
競渡時在湖外偶為成章

雷奔電逝三千兒彩舟畫楫射初暉
喧江雷鼓鱗甲動
三十六龍銜一作銜浪飛靈均昔日投湘死
千古沈魂在

湘水綠一作荒草斜一作寒煙日暮時
笛聲幽遠一作怨愁江

鬼

御定全唐詩卷五百六十八

欽定四庫全書

御定全唐詩卷五百六十九

李羣玉

新荷

田田八九葉散點綠池初嫩碧纔平水圓陰已蔽魚浮萍遮不合弱荇繞猶疎半在春波底芳心卷未舒

初月二首

艷豔流光淺娟娟汎露

一作露

輕雲間龍爪落簾上玉鉤

明桂樹枝猶小仙人影未成欲為千里別倚幌獨含情
凝顰立戶前細魄向娟娟破鏡徒相問刀頭恐隔年輕
輕搖遠水脉脉下春煙別後春江上隨人何處圓

石潄

緒一作

古岸陶為器高林盡一焚燄紅湘浦口煙濁洞庭雲迴
野煤飛亂遙空爆響聞地形穿鑿勢恐到祝融墳

雲安

灘惡黃牛吼城孤白帝秋水寒巴字急歌迴竹枝愁樹

暗一作倚荆王館雲昏蜀客舟
瑤姬不可見行雨在高丘

石頭城

伯業隨流水寒蕪上古城
長空橫海色斷岸落潮聲
八

極悲一作皆扶柱五湖來一作宋永
止傾東南天子氣掃地

入函京

湖濶一作閣

楚色籠青草秋風一作光
洗洞庭夕霏生水寺初月盡一作

落雲汀擢響來空濶
漁歌發一作去杳冥欲浮闌下艇一

到斗牛星

失鶴

瑤臺煙霧外一去不迴

一作沒還心有從昔

清

一作暗

海蓬

壺遠秋風碧落深隋翎留片雪雅操入孤琴豈

一作不

是

籠中物雲蘿莫更

一作更莫尋

臘夜雪霽

一作霽雪

月彩交光開閣臨軒竟睡不得

命家

一作童

僕吹笙數曲獨引一壺奉寄江陵副

使杜中丞

月華臨霽雪，皓彩射貂裘。
桂酒寒無醉，銀笙凍不流。
懷哉梁苑客，思作剡溪遊。
竟夕吟瓊樹，川途恨一作限阻修。

長沙陪裴大夫登北樓

巖嶂隨高步，琴尊奉勝遊。
金風吹綠簾，湘一作水入朱

樓。朗抱雲開月，高情鶴見秋。
登臨多暇日，非為賦消憂。

登蒲澗寺後二巖三首

五仙騎五羊，何代降茲鄉。
澗有堯年韭，山餘禹日糧。
樓臺

臺籠海色，草樹發

一作美

天香。

一作吟

嘯

一作笑

波

一作秋

光

煙波一作裏浮溟興甚長

行盡崎嶇路驚從汗漫遊青天豁眼快

一作容

碧海醒心

秋便欲尋河漢因之犯斗牛九霄身自致

一作到

何必遇

一作問

浮丘

一作揚帆赴飛鳥一齊日邊舟

南溟吞越絕極望碧鴻濛龍渡潮聲裏雷喧雨氣中趙
佗丘壠滅馬援鼓輦空遐想魚鵬化開襟九萬風

早鴻

木落波浪動南飛聞夜鴻參差天漢霧嘹唳月明風野

水蓮莖折寒泥穠穗空無令一行侶相失五湖中

旅泊

搖落江天裏飄零倚客舟短篇纔遣悶小釀不供愁沙
雨潮痕細林風月影稠書空閑度日深擁破貂裘

半醉

處俗常如病看花亦似秋若無時復酒寧遣鎮長愁漸
覺身非我都迷蜨與周何煩五色藥尊下即丹丘

晝寐

一作
寢

筠桂晚蕭疎任人嘲宰子鳥驚林下夢風展枕前書正
作莊生蝶誰知惠子魚人間無樂事直擬到華胥

晚蓮

露冷芳意盡稀疎空碧荷殘香隨暮雨枯藥隨寒波楚
客罷奇服吳姬停一作倚權歌涉江無可寄幽恨竟如何

將之番禺留別湖南府幕

本乏煙霞

一作霄

志那隨鴛鴦遊一枝仍未定數粒欲何

求溟漲道途遠荆吳雲

一作暮

雪愁會登梅嶺翠南翥入

炎洲

宵民

大雅無憂怨宵民有愛憎魯侯天不遇臧氏爾何能慘
慘心如虺營營古似蠅誰於銷骨地一鑒玉壺冰

吾道

吾道成微哂時情付絕言鳳兮衰已盡夫也吠何繁輕
重憂衡曲妍媸慮鏡昏方忻耳目淨誰到翟公門

與三山人夜話

一作與濮陽夏侯
吳三山人夜話

靜談雲鶴

一作壑

趣高會兩三賢酒思彈琴夜茶芳向火

天兔裘堆膝暖鳩杖倚牀偏各狀池籠窄相看意浩然

春寒

撥火垂簾夕將暄向冷天悶斟壺酒暖愁聽雨聲眠處

世心悠

一作悠

爾干時思

一作事

索然春光看已半明日又

藏煙

廣江驛餞筵留別

別筵欲盡秋一醉海西樓夜雨寒潮水孤燈萬里舟酒

飛鸚鵡重歌送鷓鴣愁惆悵三年客難期此處遊

桑落洲

九江寒露夕微浪北風生浦嶼漁人火蒹葭見鴈聲顏
雲晦廬岳微鼓辨湓城遠憶天邊弟曾從此路行

杜門

且詠閒居賦飛翔去未能春風花嶼酒秋雨竹溪鐙世
路變陵谷時情驗友朋達生書一卷名利付春水

池州封員外郡齋雙鶴丹頂霜翎仙態浮曠罷

政之日因呈此章

瀟灑二白鶴對之高興清寒溪侶雲水朱閣伴琴笙顧
慕稻梁惠超遙江海情應攜帝鄉去仙闕看飛鳴

經費拾遺所居呈封員外

雲臥竟不起少微空隕光唯應孔北海為立鄭公鄉舊
館苔蘚合幽齋松菊荒空餘書帶草日日上階長

送秦鍊師

紫府靜沈沈松軒思別琴水流寧有意雲汎本無心錦

洞桃花遠青山竹葉深不因時賣藥何路更相尋

湘陰縣送遷客北歸

不須留意改重遣世人疑瘴染面如藥愁熏頭似絲黃梅佳雨外青草過湖時今日開湯網冥飛亦未遲

九日陪崔大夫讌清河亭

玉醴浮金菊雲亭敞玳筵晴

一作青

山低畫浦斜鴈遠書

天謝朓離都日殷公出守年不知瑤水讌誰和

一作製

白

雲篇

近見去年聖製黃菊聯句

送房處士閑遊

採

一作主

藥陶貞白尋山許遠遊
刀圭藏妙用巖洞契冥

搜花月

一作竹

三江水琴尊一葉舟
羨君隨野鶴

一作性

長

揖稻梁愁

贈花

酒為看花醞花須趁酒紅
莫

一作嗔

令芳樹晚使我綠尊

空金谷園無主桃

一作仙

源路不通縱非乘露折

一作酒興

長

短盡隨風

洞庭風雨二首

面南一片黑俄起北風顛浪潑巴陵樹雷燒鹿角田

在青

草北

魚龍方簸蕩雲雨正喧聞想赭君山日秦皇怒赫然

巨浸吞湘

一作沅

澧西風忽怒號水將天共黑雲與浪爭

高羽化思乘鯉山漂欲

一作長

扑鰲陽烏猶曝翅真

一作直

恐濕蟠桃

臨水薔薇

堪愛復堪傷無情不久長浪搖千臉笑

一作淚

風舞一叢

芳

一作身香

似濯文君錦如窺

一作啼

漢女妝所思雲雨外何

處寄馨香

中秋維舟君山看月二首

一本作長律一首

汗漫鋪澄碧朦朧吐玉盤
雨師清滓穢川后埽波瀾
氣射繡星滅光籠八表寒
來從雲漲迴路上碧霄寬

熠燿遊何處蟾蜍食漸殘
權翻銀浪急林映白虹攢
練彩連河曉水暉壓樹乾
夜深高不動天下仰頭看

桂州經佳人故居琪樹

一本無琪樹二字

種樹人何在，攀枝空歎嗟。人無重見日，樹有每年花。滿

一作舊

院雀

一作焦

聲莫半庭春景

一作色

斜東風不知恨，徧

地落餘霞

贈元紱

相逢在總角，與子即同心。隱石那知玉，披沙始

一作喜

遇

金蘭秋香不死，松晚翠方深。各保芳堅性，寧憂霜霰侵。

中秋廣江驛示韋益

莫惜三更坐，難消萬里情。同看一片月，俱在廣州城。淚

逐金波滿魂隨夜鵲

一作鵲

驚支頤鄉思斷無語到雞鳴

九日越臺

旭日高山上秋天大海隅
黃花羅柜妝絳實簇茱萸
病久歡情薄鄉遙客思孤
無心同落帽天際望歸途

中秋越臺看月

海雨沈塵

一作煙

埃月從空碧來水光籠草樹
練影挂樓臺皓曜迷鯨目
晶熒夫蚌胎宵分凭檻望
應合見蓬萊

長沙開元寺昔與故長林許侍御題松竹

一作石

聯句

墻陰數行字懷舊慘傷情
薜荔侵年月莓苔壓姓名
逝川前後水浮世短長生
獨立秋風暮凝顰隔郢城

傷友

玉棺來九天鳬舄掩窮泉
蕪沒池塘嶼

一作興

淒涼翰墨

筵短期存大夢舊好委浮煙
我有幽蘭曲因君遂絕弦

法性寺六祖戒壇

初地無階級餘基數尺低
天香開茉莉梵樹落菩提驚

一作警

俗生真性青蓮出淤泥
何人得心法衣鉢在曹溪

東湖二首

晚景微雨歇逍遙湖上亭
波閒魚弄餌樹靜鳥遺翎
性野難依俗詩玄自入冥
何繇遂瀟灑高枕對雲汀

雨氣消殘暑蒼蒼月欲升
林間風捲簾樹下水搖鈴
迴野垂銀鏡層巒挂玉繩
重期浮小楫來摘半湖菱

湖閣曉晴寄呈從翁二首

嶺日開寒霧湖光蕩霽華
風烏搖逕

一作逕

柳水蜨戀幽

花蜀國地西極吳門天一涯
輕舟攔下去點點入湘霞

高秋憑遠檻萬里看新晴重霧披天急千雲觸石輕湖
山四五點湘雁兩三聲遙想潘園裏琴尊興轉清

同張明府遊淩

一作樓

水亭

草色綠溪晚梅香生穀文雲天歛餘霽水木籠微曛垂
釣坐方一作芳嶼幽禽時一聞何當五柳下酌醴吟庭筠

七月十五夜看月

朦朧南溟月汹湧出雲濤下射長鯨眼遙分玉兔毫勢
來星斗動路越青冥高竟夕瞻光彩昂頭把白醪

北風

病髮乾垂枕臨風強起梳
蜨飛魂尚弱蟻鬪體猶虛
瘦骨呻吟後羸容几杖初
庭幽行藥靜涼暑一作景翠筠疎

遊玉芝觀

尋仙向玉清獨倚雪初晴
木落寒郊迴煙開疊嶂明
片雲盤鶴影孤磬雜松聲
且共探玄理歸途月未生

中秋夜南樓寄友人

海月出銀

一作白

浪湖光射高樓朗吟無淥酒賤價買清秋

氣冷魚龍寂輪高星漢幽他鄉此夜客對景一作酌錢多愁

三月五日陪裴大夫汎長沙東湖

一作張又新詩

上巳餘風景芳辰集遠坳綵舟浮滉蕩繡轂下娉婷林
榭回蔥蒨笙歌轉杳冥湖光迷翡翠草色醉蜻蜓鳥弄
桐花日魚翻穀雨萍從今留勝會誰肯一作看畫蘭亭

龜

靜養千年壽重泉自隱居不應隨跛鼈寧肯滯凡魚靈
腹惟玄露芳巢必翠葉揚花一作光輸蚌蛤弄月恨蟾蜍

曳尾辭泥後支牀得水初冠山期不小鑄印事寧虛有
志酬毛寶無心畏豫且他時清洛汭會薦帝堯書

長沙春望寄涪陽故人

清明別

一作前

後雨晴時極浦空顰一望眉湖畔春山煙

黯黯

一作點點

雲中遠樹黑

一作墨

離離依微水戍聞疎鼓掩映

河橋見酒旗風暖草長愁自

一作似

醉行吟無處寄相思

金塘路中

山連

一作川

楚越復吳秦蓬梗何年是佳身黃葉黃花古

城路秋風秋雨別家人冰霜想

怯一作

度商於

村一作

凍桂

玉愁居帝里貧十口繫心拋不得每回回首即長顰

自遣

翻覆升沈百歲中前途一半已成空浮生暫寄夢中夢

世事如聞風裏風脩竹萬竿資閒寂

灑一作落

古書千卷要

窮通一壺濁酒暄和景誰會陶然失馬翁

送于少監自廣州還紫邏

鳴臯

一作

山水似麻源謝監東還憶故

舊一作

園海嶠煙霞

輕

一作輸

逸翰洛川花木待回軒宦情薄去詩千首世事閒

來酒一尊明月中書見顏范

一作範

始

一作如

應通籍入金門

石門韋明府為致東陽潭石鯽

一作魚鱠

錦鱗銜餌

一作釣

出清連暖日江亭動繪筵疊雪亂飛消暑

底散絲繁灑拂刀前太湖浪說朱衣鮒漢浦休誇縮項
鰖雋味品流知第一更勞霜橘助芳鮮

規公業在淨名得甚深義僕近獲顧長康月宮

真影對戴安道所畫文殊走筆此篇以屈瞻禮

五濁之世塵冥冥達觀棲心于此經但用須彌藏芥子
安知牛跡笑東溟生公吐辯真無敵顧氏傳神實有靈
今日淨開方丈室一飛白足到茅亭

玉真觀

高情帝女慕乘鸞紺髮初簪玉葉冠

公主玉葉冠時人莫計其價

秋

月無雲生碧落素槩寒

一作含

露出清瀾層城煙霧將歸

遠浮世塵埃久住

一作駐

難一自

一作日

簫聲飛去後洞宮深

掩

一作洞深空探

碧瑤壇

辱綿州于中丞書信

一絨垂露到雲林中有孫陽念驥心萬木自凋山不動

百川皆

一作空

早海

一作水

長深風標想見瑤臺鶴詩韻如

聞淶水琴他日縱陪池上酌已應難到暝猿吟

渴疾漸加酒戶日減

送崔使君蕭山禱雨甘澤遽降

謝公一拜敬亭祠五馬旋歸下散綵不假土龍呈天矯

自然石燕起參差預聽禾稼如雲語應有空濛似霧時

詩

一作

已向為霖報消息潁川徵詔是前期

重經巴丘追感

開成初陪故員外從翁詩酒遊泛

昔年高接李膺歡日汎仙舟醉碧瀾詩句亂隨青草發

一作落

酒腸俱逐洞庭寬浮生聚散雲相似往事微茫

一作

冥夢一般今日片帆城下去

一作過

秋風回首淚闌干

湘陰江亭却寄友人

湘岸初晴淑景遲風光正是客愁時幽花暮落騷人浦

芳草春深帝子祠往事隔年如過夢舊遊回首謾勞

一作

追思煙波自此扁舟去小酌文園

一作酌酒聯文

香未期

哭郴州王使君

銀章朱紱照雲驄六換魚書惠化崇瑤樹忽傾滄海裏

一作蒼栢下

醉鄉翻在夜臺中東山妓逐飛花散北海尊隨

逝水空曾是綺羅筵上客一來長慟向春風

九日巴丘楊公臺上讌集

一本無上字

淒淒霜日上高臺水國秋深客思哀萬疊銀山寒浪起

一作去

一行斜字早鴻來誰家擣練孤城暮何處題衣遠

信回江漢路長身不定菊花三笑旅萍開

奉和張舍人送秦鍊師歸岑公山

仙翁歸卧翠微岑

一作葉

一夜西風月峽深

一作澗

定知

芳草合玉書應念素塵侵閑雲不繫東西影野鶴寧知

一作陽

去住心蘭浦蒼蒼春欲暮落花流水怨

一作思

離琴

一作襟

送陶少府赴選

陶君官興本蕭疎長傍青山碧水居久向三茅窮藝術
仍傳五柳舊琴書迹同飛鳥棲高樹心似閑雲在太虛
自是葛洪求藥價不關梅福戀簪裾

寄張祐

祐亦未面頻
寄聲相聞

越水吳山任興行五湖雲月挂高情不遊都邑稱平子

只向江東作步兵昔歲芳聲到童稚老來一作年佳句徧

公卿如一作知君氣力波瀾地留取陰何沈范名

寄長沙許侍御

三一作二年文會許追隨和徧南朝一作江南雜體詩未把一作以

彩毫還郭璞乞留殘錦與丘遲竹齋琴酒歡成夢水寺煙

霞賞一作相對誰今日秋風滿湘浦祇應一作只令搔首詠瓊枝

望月懷友

一作寄人

浮雲卷盡看

一作月

瞳朧直出滄溟上碧空盈手水

一作冰

光寒不濕流天素彩

一作影

靜無風酒花蕩漾金尊裏權

影飄飄玉浪中川路正長難可越美人千里思何窮

和吳中丞悼笙妓

麗質仙姿煙逐風鳳凰聲斷吹臺

一作樓

空多情草色怨

還綠無主杏花春自紅隋珥尚存芳樹下餘香漸減

一作滅

玉堂中唯應去抱雲和管從此長歸阿母宮

薛侍御處乞靴

越客南來誇桂麋良工用意巧縫成看時共說茱萸皺
著處嫌無鸛鵲鳴百里奚身悲甚似五羊皮價敢全輕
日於文苑陪高步贏得芳塵接武名

九子坡

一作坂

聞鷓鴣

落照蒼茫秋草明鷓鴣啼處遠人行正穿詰

一作屈

曲崎

峴路更聽鉤輅格磔聲曾泊桂江深岸雨亦于梅嶺阻
歸程此時為爾腸千斷乞放

一作定是

今宵白髮生

涼公從叔春祭廣利王廟

龍驤伐鼓下長川直濟雲濤古廟前海客歛威驚火旆
天吳收浪避樓船陰靈向一作作南溟主祀典高齊五

岳肩從此華夷封域靜潛熏玉燭奉堯年

長沙紫極宮雨夜愁坐

獨坐高齋寒擁衾洞宮臺殿窅沈沈春鐙含思靜相伴
夜雨滴愁更向深窮達未知他日事是非皆到此時心
羈棲推一作剪平生志抱膝時為梁甫吟

送人隱居

一作盧逸
人隱居

碁局茅亭幽澗濱
竹寒江靜遠無人
邛梅尚斂風前笑
沙草初偷雪後春
鵬鷗喻中消日月
滄浪歌裏放心神
平生自有煙霞志
久欲拋身狎隱淪

江樓閒望懷關中

一作
內親故
一作
知

搖落江天欲盡秋
遠鴻高送一行愁
音書寂絕秦雲外
身世蹉跎楚水頭
年貌暗隨黃葉去
時情深付碧波流
風淒日冷江湖

一作
湘光

晚駐目寒空獨倚樓

請告南歸留別同館

中元作

一點銓前獨坐身
西風初動帝城砧
不勝庾信鄉關思
遂作陶潛歸去吟
書閣乍離情黯黯
彤庭迴望肅沈沈
應憐一別瀛洲侶
萬里單飛雲外深

仙明洲口號

長愛沙洲水竹居
暮江春樹綠陰初
浪翻新月金波淺
風損輕雲玉葉疎
半浦夜歌聞盪槳
一星幽火照叉魚
二年此處尋佳句
景物常輸楚客書

送蕭十二校書赴郢州婚姻

蓬萊

一作山

才子即蕭郎綵服青書

一作春

卜鳳凰玉珮定

催紅粉色錦衾應惹翠雲

一作芸

香馬穿暮雨荆山遠人

宿寒鐙郢夢長領取和鳴好風景

古樂府有風兮歸故鄉

石城花

月送歸鄉

送隱者歸羅浮

春山

一作天

杳杳日遲遲路入雲峰白犬隨兩卷素

一作囊

書留貰酒一柯樵斧坐看棋蓬萊道士飛霞履

一作禮清

遠仙人寄好詩自此塵寰音信斷山川風月永相思

獻王中丞

時有除拜

登仙望絕李膺舟從此青蠅點遂稠半夜劒一作憤吹牛

斗動二年門掩雀羅愁張儀會展平生舌韓信那慙跨
下羞他日圖勲畫麟閣定呈肝膽始應休

哭小女癡一作凝兒

平生未省夢熊羆稚女如花墜一作墮曉枝條蔓縱橫輸

葛藟子孫蕃育羨螽斯方同王衍鍾情切猶念商瞿有

慶遲負爾五年恩愛淚眼中惟有涸泉知

一作眼中惟涸更無知

醉後贈馮姬

黃昏歌舞促瓊筵銀燭臺西見小蓮
二寸橫波回慢水
一雙纖手語香弦
桂形淺拂梁家黛
瓜字初分碧玉年
願托襄王雲雨夢
陽臺今夜降神仙

廣州陪涼公從叔越臺讌集

一逕松梢踏石梯
步窮身在白雲西
日銜赤浪金車沒
天拂滄波翠幕

一作

低高鳥散

一作

飛驚大旆長風萬

里卷秋輦玉鉤挂海笙歌合珠履三千半似泥

留別馬使君

俱來海上歎煙波君佩銀魚我觸羅蜀

一作涇

國才微甘

放蕩專城年少豈蹉跎應憐旅夢千重思共愴離心一曲歌唯有管弦知客意分明吹出感恩多

將欲南行陪崔八讌海榴亭

朝讌華堂暮未休幾人偏得謝公留風傳鼓角霜侵戟雲卷笙歌月上樓賓館盡開徐孺榻客帆空戀李膺舟

謾誇書劍無歸處水遠山長步步愁

湖寺清明夜遣懷

柳暗花香愁不眠獨凭危檻思淒然野雲將雨渡微月
沙鳥帶聲飛遠天久向飢寒拋弟妹每因時節憶團圓
飴飡冷酒明年在未定萍蓬何處邊

九日

年年羞見菊花開十度悲秋上楚臺半嶺殘陽銜樹落
一行斜雁向人來行雲永絕襄王夢野水偏傷宋玉懷

一作
才 絲管闌珊歸客盡黃昏獨自詠詩迴

同鄭相并歌姬小飲戲贈

一作杜丞相
筵中贈美人

裙拖六幅湘江水鬢聳巫山一段

一作千朵

雲風格

一作貌態

應天上有歌聲豈合世間聞胸前瑞雪鏗斜照眼底桃花酒半醺不是相如憐賦客爭一作骨教容易見文君

秣陵懷古

野花黃葉舊吳宮六代豪華燭散風龍虎勢衰佳氣歇
鳳皇名在故臺空市朝遷變秋蕪綠墳塚一作瓏高低落

照紅霸業鼎圖人去盡獨來惆悵水雲中

黃陵廟

小姑

一作孤
一作哀

洲北浦雲邊二女容華

一作啼粧
一作明粧

白

一作共

儼然野廟向江春寂寂古碑無字草芊芊風迴日

一作東風

近暮吹芳芷月落

一作落日

山深哭杜鵑猶似含顰望巡狩

九疑愁斷

一作如黛
一作愁絕

隔湘川

送唐侍御福建省兄

桂枝攀盡賈家

一作賢

才霄漢春風棣萼開世掌

一作事

綸

言傳大筆官分鴻序壓霜臺閩山翠卉迎飛旆越水清
紋散落梅到日池塘春草綠謝公應夢惠一作阿連來

送秦鍊師歸岑公山

紫泥飛詔下金鑾列象分明世仰觀北省諫書藏舊草
南宮郎署握新蘭春歸鳳沼恩波暖曉入鴛行瑞氣寒
偏是此生棲息者滿衣零淚一時乾

潯陽觀水

朝宗漢水接陽臺哈呀填坑吼作雷莫見九江平穩去

還從三峽嶮巖來南經夢澤寬浮日西出岷山劣泛盃
直至滄溟涵貯盡深沈不動浸昭回

謫仙吟贈趙道士

汗漫東遊黃鶴雛縉雲仙子住清都三元麟鳳推高座
六甲風雷閔小壺日月暗資靈壽藥山河直擬一作化
生符若為失意居蓬島鼇足塵飛桑樹枯

長沙陪裴大夫夜讌

東山夜讌酒成河銀燭熒煌照綺羅四面雨聲籠笑語

滿堂香氣泛笙歌
泠泠玉漏初三滴
濫濫金觴已半醅
共向柏臺窺雅量
澄陂萬頃見天和

寶劍

雷煥豐城掘劍池
年深事遠跡依稀
泥沙難掩衝天氣
風雨終思發匣時
夜電尚搖池底影
秋蓮空吐鏑邊輝
自從星拆中台後
化作雙龍去不歸

人日梅花病中作

去年今日湘南一作西寺
獨把寒梅愁斷腸
今年此日江

邊宅臥見瓊枝低壓牆半落半開臨野岸團情團思醉
韶光玉鱗寂寂飛斜月素豔亭亭對一作帶夕陽已被兒
童苦攀折更遭風雨一作雪損馨香洛陽桃李漸撩亂回
首行宮春景長

御定全唐詩卷五百六十九